

व॒हि॒नै॒व व॒हि॒य॒ज्ञ॒स्याव॑रुन्धे । मि॒थु॒नौ गा॒वौ द॒दा॒ति । मि॒थु॒न॒स्याव॑रु॒ध्यै । वा॒सो॒द॒दा॒ति । स॒र्व॒दे॒व॒त्यं वै वा॒सः । स॒र्व॒ा ए॒व दे॒वताः प्री॑णाति । आ॒द्वा॒द॒श॒भ्यो द॒दा॒ति । द्वा॒द॒श॒मा॒साः सं॒वत्स॒रः । सं॒वत्स॒र ए॒व प्र॒ति॒ति॒ष्ठ॒ति । का॒म॒मू॒र्ध्वं दे॒यं । अ॒परि॒मित॒स्याव॑रु॒ध्यै ॥ ११ ॥

आ॒दि॒त्ये तृ॒ती॒य॒म॒प्स्वा॒सी॒त्त॒त्ते॒ना॒वा॒रु॒न्ध॒त॒ स्या॒दा॒प्य॒ते॒ रे॒तो॒ऽग्नि॒रे॒क॒मे॒क॒मे॒ता॒नि ह॒वो॒ऽपि नि॒र्व॒पे॒त् पृ॒थ॒व॒रो॒ह॒ति द॒दा॒त्य॒ध्व॒र्यु॒र्दे॒य॒मे॒क॒ञ्च ॥ अ॒नु० ६ ॥

सप्तमोऽनुवाकः ।

घ॒र्मः शि॒र॒स्त॒द॒य॒म॒ग्निः । स॒मि॒प्र॒यः प॒शु॒भि॒र्भु॒वत् । हृ॒दि॒स्तो॒का॒य॒ त॒न॒या॒य॒ य॒च्छ । वा॒तः प्रा॒ण॒स्त॒द॒य॒म॒ग्निः । स॒मि॒प्र॒यः प॒शु॒भि॒र्भु॒वत् । स्व॒दि॒तं तो॒का॒य॒त॒न॒या॒य॒यि॒तुं प॒च । प्रा॒ची॒म॒न॒पृ॒दि॒शं प्रे॒हि वि॒द्वान् । अ॒ग्ने॒र॒ग्ने पु॒रो अ॒ग्नि॒र्भ॒वे॒ह । वि॒श्व॒ आ॒शा॒दी॒द्या॒नो वि॒भा॒हि । ऊ॒र्ज॒नो धे॒हि द्वि॒प॒दे च॒तु॒ष्प॒दे ॥ १ ॥

अ॒र्क॒श्च॒क्षु॒स्त॒द॒सौ सू॒र्य॒स्त॒द॒य॒म॒ग्निः । स॒मि॒प्र॒यः प॒शु॒भि॒र्भु॒वत् । य॒त्ते शु॒क्र शु॒क्रं व॒चः शु॒क्रा त॒नूः । शु॒क्रं ज्योति॒र॒ज॒सं । ते॒न मे दी॒दि॒हि ते॒न त्वा॒द॒धे । अ॒ग्नि॒ना॒ग्ने ब्र॒-